

乾

象

通

鑑

乾象通鑑卷第六十五

河間府免解進士臣李季奉

聖旨編

列舍觜觿前論

觜觿統占

觜觿所主分野度數

觜觿所管星

日蝕觜觿

日暈觜觿

月蝕觜觿

月暈觜觿

月犯觜觿

觜觿統占

傳曰觜觿三星爲三軍之候行軍之府藏祿旅收歛

萬物明則軍儲盈將得勢

巫咸曰觜觿爲虎首主收歛葆旅占曰金火合國當  
易政

石申曰觜觿三星俱明三軍盛彊一星暗一軍失將  
三星俱暗破軍殺將

大象旁通曰觜觿三星以候三軍之府藏主收歛葆  
旅星明潤則軍儲豐衍星暗則軍威不振星疎圻  
則軍覆將死星就聚則三軍有叛謀星移徙則三  
軍離散一曰兵潰將亡之象也

古今星釋曰觜觿三星光浮而數動搖者其國有饑

軍一曰三軍糧不繼爲朮一星亡則一軍走三星俱亡則三軍俱潰

觜觿所主分野度數

觜觿三星亦在參北一度距西南星去極八十四度在赤道內七度

舊經距星去極八十四度

唐一行測曰觜觿距星去極八十二度

天文錄曰觜觿所主分野益廣漢越雋外國婆娑羅門奈毗耶摘棘并九小國

觜觿所管星

五車星其北星入觜一度

日蝕觜觿

天文錄曰日蝕觜觿則天子自將三軍

天文總論曰日蝕觜觿其野有兵喪

李淳風曰日蝕在觜觿軍儲匱乏三軍饑死

陶隱居曰日蝕在觜則大將下獄

甘德曰日蝕在觜主將有異謀三軍有叛意

潛潭已曰日蝕在觜天子憂兵又曰其國有兵喪

大象旁通曰日蝕觜觿天子兵盡行亦曰天子親戎

服

古今通占曰日在觜觿食幾既其野人君憂內亂一  
曰天子憂兵

陳卓叙占曰日在觜觿蝕從上始者其國有兵喪蝕  
從中始者其國有內兵變一曰天子禁庭兵起日  
在觜蝕下始者其下有破軍一曰軍將覆死

河圖遺書曰日蝕觜觿旁有黑氣往來奄覆者其野  
有兵憂亦曰三軍乏食為亂

晉永元元年四月辛亥朔日有蝕之在觜觿為蓀蓀  
主收斂儒說蓀旅宮中之象收斂貪妬之象是歲  
鄧貴人始入明年三月陰皇后立貴人有寵陰后

忌之後遂坐廢一曰是將入參伐爲斬刈明年七月越騎校尉馮柱斬匈奴溫禺犢王烏居戰

日暈觜觿

天文錄曰日暈觜觿夷狄彊

陶隱居曰日暈觜觿將相有憂

巫咸曰日暈觜觿有內亂

大象旁通曰日暈觜觿不周者期五日有風雨若日

暈周觜其下有兵將相惡之亦曰將相相疑朝廷

顛危

陳卓叔占曰日暈觜觿再重至五重者其下有兵變

暈五重至十重者其國將棄祀

古今星釋曰日暈觜觿內赤黃外青白旁有黑雲氣  
相奄者其國將有兵變亦曰大將有匿謀人主有  
兵憂

月蝕觜觿

天文錄曰月蝕觜觿內庭有被黜責貴人

天文總錄曰月蝕觜觿大臣有受戮者

武密曰月蝕觜觿貴族爲亂兵所殺

甘德曰月蝕觜觿三軍有異志大將當之

李佺曰月蝕觜觿其國有兵喪



古今星釋曰月蝕觜觿其野有急兵亦曰大臣有陰兵

大象旁通曰月蝕觜觿其下有異志大將軍亦曰主將以兵叛天子

陳卓叙占曰月蝕觜觿從上始者其野禁兵爲變亂亦曰衛士叛亡月在觜觿蝕從下始者其下有潰兵亦曰將兵離散月在觜觿蝕從旁始者其國有三軍相戕爭食亦曰三軍匱乏爲亂

古今通占曰月在觜觿蝕不在望主後宮有兵憂

古今

注曰觜主後宮貪妬之象也

月暈觜觿

天文錄曰月暈觜觿三軍出戰先舉者利

天文總論曰月暈觜觿其國當有疾疫

武密曰月暈觜觿其野有水

陶隱居曰月暈觜觿王者自將兵

荊州占曰月暈觜觿后妃有廢者一曰女主有疾又

曰民多病

大象旁通曰月暈觜觿不周者期月內多風雨若暈

周及再重者後宮有憂

陳卓叙占曰月暈觜觿在上弦者其下女主有憂月

五  
暈背觜在下弦者其野三軍覆之爲亂亦曰軍覆將死

古今通占曰月暈背觜再重及五重者後宮有貪妬之行亦曰美女妬害以敗內政

河圖遺書曰月暈背觜與歲星合者其國有兵威三軍得勢月暈背觜與熒惑合者其下有兵喪亦曰爲女喪爲內亂月暈背觜與鎮星合者其國有禁兵作亂一曰後宮有土後月暈背觜與辰星合者其野有水患亦曰爲大臣憂爲大將不利

月紀背觜

天文錄曰月犯觜觿臣不和將有憂

武密曰月犯觜觿貴賤有憂其國軍將死一曰月在  
觜三軍有變後宮子孫有憂

王蕃曰女將持政則月逆行入觜觿

大象旁通曰月逆行失度抵觜觿其國有敗軍亦曰  
有死將

古今通占曰月行側道入觜觿其野有急兵亦曰軍  
破將死三軍滅亡之象

陳卓叙占曰月逆犯觜觿其野有死將亦曰內兵爲

觜

河圖遺書曰月逆行入觜觿太南其國有兵喪月逆  
入觜觿太北其下有潰兵爲亂亦曰軍覆將亡  
海上通占曰月宿觜觿其野有急兵亦曰將相不協  
宗社有憂

京房外傳曰月失行抵犯觜觿其國有暴兵起亦曰  
有內亂又曰後宮有兵變

乾象通鑑卷第六十六

河間府免解進士臣李季奉

聖旨編

列舍觜觿後論

歲星犯觜觿

熒惑犯觜觿

鎮星犯觜觿

太白犯觜觿

辰星犯觜觿

客星犯觜觿

彗星犯觜觿

孛星犯觜觿

流星犯觜觿

雲氣犯觜觿

歲星犯觜觿

天文錄曰歲星犯觜觿出入留舍其野以義致天下  
守觜下則歲旱

天文總論曰歲星犯守觜觿王者自將兵出天下有  
兵變

武密曰歲星乘觜觿則穀貴

李淳風曰歲星入觜政在臣下三軍不從軍令

荊州占曰歲星入觜三軍乏軍儲兵飢

鄧萌曰歲星出入留舍觜觿其邦以義致天下

石申曰歲星守觜糴貴民飢

巫咸曰歲星守觜歲大旱多火災

海中占曰歲星留舍觜五十日不下其野太臣受誅  
又曰歲星乘犯觜穀貴乏軍儲

大象旁通曰歲星犯觜觿其野有亂兵爭食一曰糴  
貴乏軍糧

古今星釋曰歲星犯觜觿太南其歲大旱赤地千里  
歲星犯觜觿太北其歲大水井邑通舟楫

陳卓叙占曰歲星逆行失度犯觜觿其野有兵喪亦  
曰軍儲不繼爲亂

河圖遺書曰歲星犯觜觿其野有兵變若抵犯及五  
十日不下者有野死大將



漢中元三年金木合于甬觶爲白衣之會占曰不有  
敗兵必有破國甬觶梁也是時梁王欲爲漢嗣使  
人殺漢諍臣爰盎漢素誅梁大臣梁王恐懼布車  
入關伏斧鉞謝罪然後得免

魏普泰元年十月歲星熒惑鎮星太白聚于甬觶色  
甚明大占曰當有王者興其月齊高祖起於信都  
至中興二年春而破爾朱兆遂開霸業

熒惑犯甬觶

天文錄曰熒惑入犯乘甬觶有兵兵罷無兵兵起出  
入留舍甬三十日已上者有水災

天文總論曰熒惑久守觜而多妖祥三軍威不振

石申曰熒惑入觜天下用兵

文耀鉤曰熒惑入觜三日客兵聚色明有芒角大將

受誅

郗萌曰熒惑入觜宮中有讒諂者

甘德曰熒惑入觜宮人以兵亂

挺佐輔曰熒惑入觜居陽有喜居陰有兵變

大象旁通曰熒惑抵觜觿其國有大將坐法一日主

將失權被黜責若抵犯及五十日不下者其野後

宮有兵起

古今星釋曰熒惑抵觸觜觿及五十日不去者其下宮中有姦謀謀及人君

陳卓叙占曰熒惑逆行犯觜觿太南其國大旱多火災熒惑逆行犯觜觿太北其野大水江河暴溢傷禾稼糴貴民飢

鎮星犯觜觿

天文錄曰鎮星犯觜觿出入留舍必有大將出兵守觜則三軍有叛

巫咸曰鎮星入觜色黃則三軍有喜

巫咸曰鎮星入觜三軍起

海中占曰鎮星入觜歲荒民飢

郝萌曰鎮星逆行觜妾爲女主

荊州占曰鎮星入觜旱多盜賊

李淳風曰鎮星逆行入觜三軍斬主將又曰貴人當之

古今星釋曰鎮星犯觜觿其國多土功興役治水患

若鎮星千犯觜觿及五十日不去者宮中有陰謀

大象旁通曰鎮星逆行守觜觿其野有亂兵戮主大

將又曰軍覆將死

陳卓叙占曰鎮星犯觜觿其野有急兵亦曰邊將叛

又曰邊兵潰

河圖遺書曰鎮星干犯紫鵠其野有死將亦曰野有大死將

太白犯紫鵠

天文錄曰太白犯紫鵠久留不去其野大水

天文總論曰太白入紫三軍不從軍政

荊州占曰太白入紫其野有兵

都萌曰太白入紫鵠逆行留舍不去及三十日已上

三軍戮大將自亂

甘德曰太白入紫者有芒角天下受兵

武審曰太白色變經天入紫天下有亂其野國亡又

曰太白乘蕭奄然無光則三軍有破軍

李佺曰太白出入留舍守帛兵起于野

大象旁通曰太白逆行失度守帛其野有急兵亦曰  
有死將

古今星釋曰太白經天犯帛鴈其國有內亂亦曰不  
有破軍必有亡國

陳卓叙占曰太白行盈抵帛鴈其國有匿謀大臣亦  
曰諸侯有陰謀太白行縮抵帛鴈其國有野死大  
將亦曰軍破將死之象

河圖遺書曰太白逆犯帛鴈太南其野歲旱太白逆

犯觜觿太北其國大水災糴貴民飢

魏晉泰元年十月太白土水火聚于觜觿也明占曰  
其野有王者興至中興二年齊高祖遂開霸業

辰星犯觜觿

天文錄曰辰星守觜則有水災民有疾入觜則三軍亂  
荊州占曰辰星入觜江河決溢

甘德曰辰星守觜後宮有被罪者

海中占曰辰星守觜穀貴三軍儲匱乏

巫咸曰辰星守觜百物不熟府庫空虛

石申曰辰宿守觜下賤暴貴民多疾疫

古今星釋曰辰星守觜觿其國多水災民有疾疫  
陳卓叙占曰辰星犯觜觿其野大水荒若犯守及五  
十日宮中有陰謀

河圖遺書曰辰星干犯觜觿其國有被黜大臣亦曰  
大將有坐法者

廣古今占曰辰星抵觜觿其國江河暴決一曰河失  
隄防洪水泛濫禾稼傷糴貴民飢

一行游義後論曰辰星行盈出觜觿太南其國旱荒  
千里無立苗辰星縮出觜觿太北其野大水井邑  
成江河二者皆主糴貴民死百姓流移之象



客星犯觜觿

天文錄曰客星入觜國用空匱蓄積不實

天文總論曰客星凌犯觜歲飢年穀不登

陳卓曰客星出觜三軍潰散主將失勢

大象旁通曰客星入抵觜觿主外姦入宮中亦曰人  
君有憂又曰後宮有不起

河圖遺書曰客星犯觜觿其國有被黜大臣亦曰大  
將坐法者

廣古今占曰客星出觜觿其國歲飢糴貴民流亡三  
軍潰散大將有憂亦曰三軍絕糧爲亂

河圖遺書曰客星犯紫觜太南其野有陰謀主將亦  
曰軍士亦匿謀犯主將若久犯之而不去者大將  
死于亂兵中

古今星釋曰客星抵犯紫觜其野有兵兵止無兵兵  
起亦曰國有暴兵起

張平子通例曰客星襲紫觜其野有廢后亦曰宮中  
有憂若色白如粉絮其國有女喪不爾宮中有急  
兵天子有兵憂

廣古今占曰客星大如杯薄觜中其國有死大將亦  
曰有叛兵戮主將爲亂

彗星犯觜觿

天文錄曰彗星干犯觜有兵起出觜有水災

天文總論曰彗星出入觜留舍不去三十日已上則天下兵起府庫空虛

武密曰彗星芒乃長及三天已上指觜天下兵四起軍儲匱乏

李淳風曰彗星犯觜宮人出外兵起多土功

古今星釋曰彗星芒角可尋丈所犯觜其國有急兵亦曰軍士叛主掠民財百姓受禍

大象旁通曰彗星如帚掃觜觿其國有兵喪星傳以

爲彗星除禮賓新爲華政爲更王

陳卓叙占曰彗星出紫觿其國有兵亂爭食亦曰三軍將亂則彗出紫觿

河圖遺書曰彗星抵紫觿則軍儲不繼三軍爲亂一曰兵潰殺主將

張平子通例曰彗星掃紫觿其下有破軍殺將又曰不有亡國必有屠城

漢中元三年三月丁酉彗是夜現西北色白長丈餘在紫觿且去益小十五日不見占曰必有破國亂君伏死其事紫觿也是時梁王欲爲漢嗣使人殺

漢爭臣爰盎漢案誅梁大臣梁王恐懼布車入閤  
伏斧鉞謝罪然後得免

唐大中六年三月有彗星見于觜占曰軍覆將死又  
曰有兵起

### 孛星犯觜觿

天文錄曰孛星干守觜府兵亂大將死

天文總論曰孛星出入觜貴臣憂

李淳風曰孛星干犯觜府庫匱乏

石申曰孛星干犯觜大水民飢

古今星釋曰孛星犯觜觿其國有兵喪又曰大人惡之

陳卓叙占曰孛星干犯紫觜其國暴兵四起亦曰野有死將又曰有野死大將

河圖遺書曰孛星干犯紫觜中其國有死君亦曰有亡國又曰有革政三者皆除舊寘新之義也

大象旁通曰孛星抵紫觜其國破軍殺將亦曰不有破軍必有屠城

一行游儀後論曰孛星干犯紫觜其國有內變亦曰有被黜大臣

張平子通例曰孛星出紫觜其國府兵大變亦曰天子禁廷有兵起

流星犯紫觜

天文錄曰流星入紫諸侯有來使出紫則君使人來  
諸侯黃色有喜餘色皆憂

天文總論曰流星入紫而色青則歲飢

李淳風曰流星犯紫春夏則後宮口舌秋冬則將軍  
受刑

武密曰流星入抵觜光散者天下兵起大將惡之

古今星釋曰流星抵觸紫觜其野有姦使入境流星

出紫觜則天子遣問人出疆

陳卓叙占曰流星色白如足練犯紫隆隆有聲如雷

其國有急兵又曰刺客有陰謀

雲氣犯紫觜

天文錄曰蒼氣入觜則三軍有降者出觜則有亡命之臣赤黑氣入觜則諸侯王客有來使者

天文總論曰青氣入觜外國有來使或有降卒白氣大臣有殊方來歸者赤氣入觜有來使言兵事黑氣入觜有諸侯客來者



乾象通鑑卷第六十六

乾象通鑑卷第六十七

河澗府免解進士臣李 李 泰

聖旨編

列舍參宿前論

參宿統占

參宿所主分野度數

參宿所管星

日蝕參宿

日暈參宿

月蝕參宿

月暈參宿

月犯參宿

參宿統占

傳曰參十星一曰參伐一曰大辰一曰天市一曰鈇

鉞主斬刈又為天獄主殺伐又主權衡所以平理也又主邊城為九譯故不欲其動也參白獸之體其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央三小星曰伐天之都尉也主朝鮮卑伐狄之國故不欲明七將皆明大天下兵精也王道缺則芒角張伐星明與參等大臣皆謀兵起參星失色軍散敗參芒角動搖邊候有急兵起有斬刈之事參星移客伐主參左足入玉井中兵大起秦大水若有喪山石為

恠參星差戾王臣貳心

大象旁通曰參十星主將內三小星為天伐天之都尉也星明潤則天下兵疆星出怒角則王道廢軍士有陰謀星踈圻則軍覆將死星就聚則胡兵入寇亦曰邊將有匿謀

陳卓叙占曰參宿主斬伐之事亦主天獄星移徙不居故常其國臣謀君下伐上客伐主星光浮而數動搖其下有邊釁若左右肩及左右足俱有芒角乍東乍西光色不定者邊兵叛邊將死亦曰邊城失守胡兵猖獗內侵境土若中央三小星與參宿

光色等其下有太將以兵叛主亦曰大臣有陰謀  
古今星釋曰參宿白獸之體也東北星不明左將有  
憂西北星不明右將惡之東南星暗則後將軍失利  
西南星微則偏將軍當之又曰左肩星亡則失左  
將右肩星亡則失右將左足星亡則後將軍死右  
足星亡則偏將軍亡七大星俱亡則軍覆將死又  
曰不有死將必有屠城中央三小星亡則兵政大  
壞天下多潰兵亦曰三軍多叛亡

參宿所主分野度數

參十星赤在甬南一十度距中行西星去極九十四

度在赤道外三度中星名三伐星右腳入畢一十三度去極九十九度在赤道外八度半

舊經距極九十四度

唐一行測距極九十三度

天文錄曰參宿所主分野蜀犍為漢中巴牂牁外國毗漢覆昭雕蹄并九小國

### 參宿所管星

五車星其東入參二度

天關星在觜參北入參二度

坐旗星其南星入參八度

司恠星在井鉞西其南星入井六度

水府星在井西其西觜星入參八度

鉞星附井南行西星入參九度

軍市星在參東南入參八度

野鷄星在軍市中入參五度

天厠星在參南其西北星入參三度半

天天星在厠南入參六度

夫人星在厠矢南其東北星入參三度

子星在夫人東其東北星入參八度

日蝕參宿

天文錄曰日蝕參大將有坐法者

天文總論曰日蝕參則將軍忌之

甘德曰日蝕在參中三星夷狄有兵起

石申曰日蝕參三軍潰散大將災

李淳風曰日蝕參天下兵起

古今通占曰日在參蝕從上始者天子有兵憂日在  
參蝕從下始者夷狄入寇邊將有憂一曰邊民受  
禍日在參蝕從中始者天子兵盡行亦曰天子自  
將兵

大象旁通曰日在參蝕大臣有坐法者若旁有黑氣



往來奄覆其下有被責主將亦曰大將有匿謀事  
露坐法

陳卓叙占曰日在參蝕京師見四方不見主人君酷  
刑法加無辜亦曰以枉法及忠良日在參蝕四方  
見京師不見主胡兵疆盛入寇邊陲又曰四夷內  
河圖遺書曰日蝕參在晦不在朔其分大臣有陰謀  
日蝕參在二日不在朔日其國有冤獄亦曰天下  
有曲法又曰有奇令

張平子通例曰日在參蝕幾既其國無君亦曰有更  
王又曰人君失勢大臣疆盛

一行游儀後論曰日在參蝕終日光不復者天下大亂一曰日蝕在參至暮光明不復其國棄祀又曰國絕嗣秦地無君

日暈參宿

天文錄曰日暈參宿大將有憂

石申曰日暈參宿有白虹大將坐罪以不職

天文總論曰日暈參其國有妖言兵起

大象旁通曰日暈參宿其下有兵憂若暈中有黑氣出沒往來相奄者其國有大將繫獄亦曰有主將坐法

陳卓叙占曰日暈參宿有白虹貫之者其國有邊兵動亦曰四夷交侵

廣古今占曰日暈參再重內赤黃外青白旁有兩珥者大將受天子賞若中有黑氣者不利主將若暈參上有冠氣色赤黃多者兩軍相當為主者勝又曰利先舉大將若暈參有承氣者其不宜舉事用兵若暈參有纓氣者其下益地不利四夷

古今注曰凡日

暈而有異氣不一日冠氣謂氣抱在日上者為冠珥謂氣直而小在日左右為珥承氣謂日半暈在日下為承氣纓氣小而在日下曲而向上者為纓氣者此也

陳卓叙占曰日暈參而不冠其下有自立侯王亦主

大將不順命日暈參不珥其國主將有陰謀在外  
有悔若日有交暈在參貫日者其下軍破將死若  
日在參有交暈抱日者其國多爭若兩軍相當暈  
先裏者敗

海上通占曰日在參有半暈下銳者其下有戰不勝

若有背璫

音璫  
日旁氣也

大將有邪謀不成

### 月蝕參宿

天文錄曰月蝕參大將死其野有兵

天文總論曰月蝕參其國亡地

武密曰月蝕參大臣下獄

石申曰月蝕參將軍受戮

大象旁通曰月蝕在參其下有兵殃若兵未起而月在參蝕者所當之國兵戰不勝月在參暈而蝕者兩軍相當必戰兵必出將死于野

廣古今占曰月在參蝕從上始者謂之失道人君當之月在參蝕從旁始者謂之失令相當之月在參蝕從下始者謂之失法將軍當之

陳卓叙占曰月在參蝕其陽則中國兵疆月在參蝕其陰夷狄兵疆又曰蝕其陽為內亂蝕其陰為邊

讐

許新切

河圖遺書曰月在參蝕色青邊民饑色赤主將不利  
色黃有自立侯王色白邊將叛邊城失守亦曰有  
兵喪

古今星釋曰月在參蝕春蝕東方則其下歲饑夏蝕  
南方多火災秋蝕西方其國有兵憂冬蝕北方其  
下有冤獄

張平子通例曰月未望而蝕者其國有內亂主弱臣  
疆之象月過望而蝕者其下有覆軍亦曰死將

### 月暈參宿

天文錄曰月暈參宿國有大水民饑米貴又曰益州

兵起

天文總論曰月暈參宿其國旱

李淳風曰月暈參宿大將易

石申曰月暈參其國有兵災

荊州占曰月暈參夷狄兵起又曰王者納后

大象旁通曰月暈參期三日有暴風雨月暈參再重  
至五重者天下受兵若暈至七重及十重者不有  
亡國必有更王

陳卓叙占曰月在參暈如連環有白虹於外不及月  
者大將有異謀不成

一行游儀後論曰月運參有橫雲貫之者兩軍相當  
先舉者勝

荊州占曰月暈參有雲如厚布若三若四有兵兵止  
無兵兵起又曰有戰勿當當之者敗

廣古今占曰月在參暈而冠者其下有興王亦曰天  
子喜

武密曰月在參暈與歲星合者其下人君有益地之

喜

古今注曰無暈  
雲氣者是也

月暈參與熒惑合者其下有兵

喪亦曰有邊釁月暈參與鎮星合者其國有殺軍

殺將之禍月暈參與太白合者其下相軍相當為



主者不利亦曰三軍叛亡月暈參與辰星合者其下有冤獄亦曰大將以失職坐法又曰主將有陰謀不成

漢高帝七年月暈圍參畢七重占曰畢昴間天街也街北胡也街南中國也昴為凶奴參為趙畢為邊兵是歲高帝自將兵擊匈奴至平城為冒頓單于所圍七日方解

月犯參宿

天文錄曰月犯參宿大將繫獄

天文總占曰月犯參為內亂帝不終之象

詩緯含文嘉曰月犯參兵起將軍在野

春秋考異郵曰月失行離于參者大將軍有憂下謀

上

廣古今占曰月逆行犯參宿其國有邊兵亂亦曰邊將以兵叛主又曰邊將不聽主命

陳卓叙占曰月行側道抵參宿其野有逐將亦曰有被責大將

荊州占曰月入參在其陽中國有兵變月入參在其陰主夷狄受禍又曰居參陽有逐將居參陰有叛兵

大象旁通曰月逆犯參其野有急兵亦曰天子兵盡  
出若月不循軌度逆入參其國興大獄忠良被幽  
囚

河圖遺書曰月逆犯參中央三小星主人君以苛酷  
枉法加忠良亦曰忠臣受辱坐法又曰人君以斬  
割為急務

晉哀帝興寧二年正月乙卯月奄歲星在參占曰參  
益州分也六月鎮西將軍益州刺史周撫卒十月  
渠州刺史司馬勲入益州以叛朱序率衆助刺史  
周楚討平之

海西公太和元年貳月丙子月奄熒惑在參占曰為  
內亂帝有不終之象一曰參魏地五年慕容暉為  
符堅所滅

乾象通鑑卷第六十七

乾象通鑑卷第六十八

河澗府免解進士臣李季奉

聖旨編

列舍參宿後論

歲星犯參宿

熒惑犯參宿

鎮星犯參宿

太白犯參宿

辰星犯參宿

客星犯參宿

彗星犯參宿

孛星犯參宿

流星犯參宿

雲氣犯參宿

歲星犯參宿

天文錄曰歲星犯參宿大將因口舌為讒佞譖無罪  
下獄

天文總論曰歲星守犯乘陵參宿其歲有兵火民災  
疫

石申曰歲星犯參宿天下大獄興芒角失色守而不  
去期一年有兵來

甘德曰歲星干犯參宿民飢有兵災

古今星釋曰歲星失本色犯參宿其國軍政大壞主  
將失威權亦曰邊將有憂

廣古今占曰歲星休軌度不失光色居參中其國益

地一曰大將以功受天子賞若居之五十日不去者其分有王者興亦曰天子喜也

荊州占曰歲昌失行抵參伐星其國有暴兵一曰邊將有異志又曰人君非法斬刈失軍士心

陳卓叙占曰歲星逆行失度貫參左肩其下左將軍失利亦曰左將有憂歲星失行貫參右肩其下右將軍惡之亦曰右將軍有憂若歲星薄參左足則偏將軍坐事被斥逐歲星薄參右足則後將軍以失職坐獄

張平子通例曰歲星逆犯參伐星其野有非法斬伐



事星傳以為歲星逆犯參中央三小星則有非理  
誅斬事亦主有冤獄

後漢孝章帝建初五年二月戊辰木火俱在參  
却萌曰歲星守參后當之熒惑守參大人當之

### 熒惑犯參宿

天文錄曰熒惑守參宿大將有疾又曰地動  
天文總論曰熒惑出參伐星旁夷狄有災

武密曰熒惑犯參宿王道缺有芒角大將死

甘德曰熒惑久守參有赦或曰大旱

却萌曰熒惑犯參其野有兵喪

荊州占曰熒惑犯參天下大旱糴貴民饑

石申曰熒惑干犯參環繞成鉤已大臣誅守久不去  
民流亡

李淳風曰熒惑守參大將惡之亦曰主將失軍士心  
被斥逐又曰大將失權

古今星釋曰熒惑舍守參中其國有死將亦曰有大  
將被斥逐

陳卓叙占曰熒惑入參中其國兵變亦曰大將有姦  
謀

一行游儀後論曰熒惑逆行失度抵參左右肩其國

有野死大將軍一曰大將有以失職繫獄者

河圖遺書曰熒惑行盈而薄參伐旁其國軍政大壞  
亦曰人君非理誅伐天下有離心熒惑行縮而薄  
參伐旁其野有死將

廣古今占曰熒惑失度犯參左右足其國有失權主  
將亦曰有急兵又曰邊兵動邊民擾攘邊城失守  
後漢光武帝中元五年四月乙巳火水合于參占曰  
國不吉參梁也其六年梁孝王死

後漢和帝永元七年二月癸酉金火俱在參巫咸曰  
熒惑守參有大災海中占曰為旱太白守參國有

反臣却萌曰有攻戰伐國也占曰金火俱在參為外  
兵有死將其九年遼東鮮卑太守祭參不追虜徵  
下獄死九月司徒劉方坐事免官自殺隴西羌反

鎮星犯參宿

天文錄曰鎮星犯參天下兵起又曰獄事作

天文總論曰鎮星逆行犯守參大將受賂三軍亦謗  
怨

武密曰鎮星逆行犯守參王道廢又曰大將失權

却萌曰鎮星流舍參宿其年多蝗蟲有土功事

石申曰鎮星守參大將失衆情又曰軍士戮主將為

亂

大象旁通曰鎮星守參伐其下有急兵亦曰兵起邊鄙又曰邊將有憂

古今星釋曰鎮星逆行薄參中其下多冤獄又曰執法者私其心輕重其手

陳卓叙占曰鎮星逆守參左右肩旁其下有失職大將亦曰三軍誅大將叛亡之象

一行游儀後論曰鎮星逆犯參中主臣下叛逆之象亦曰國多獄事又曰有大臣以事繫獄者

河圖遺書曰鎮星守參太南是謂居陽其下大旱民

疾疫鎮星守參太北是謂居陰其下大水多冤獄  
廣古今占曰鎮星失行而盈抵參中其國民流亡糴  
貴歲譏又曰窮民為盜兵起草莽鎮星失行而縮  
抵參中其下軍士有陰謀欲誅主將亦曰軍覆將  
死

晉安帝義熙七年七月丁卯歲星犯鎮星在參占曰  
歲鎮合為內亂一曰益州戰不勝亡地是時朱齡  
石伐蜀後竟滅之明年誅謝琨劉毅

### 太白犯參宿

天文錄曰太白入參其野有兵一曰有攻伐事

天文總論曰太白犯參大將失權

却萌曰太白出入留舍參中其國兵喪民飢

巫咸曰太白守參民多疾疫

武審曰太白犯參王道以兵廢

古今星釋曰太白犯參中央三小星主誅伐專恣不恤軍士軍士有離心一曰三軍叛亡之象

大將旁通曰太白犯參乘凌久而不去或去而復還居之其國有暴兵起若太白犯參左肩則左大將受禍犯參右肩則右大將有憂犯左足是偏將軍惡之犯右足後將軍惡之若太白犯中央三小星

成鈞已者其國破軍殺將亡地失國之象

河圖遺書曰太白經天抵參中央星其國有冤獄一  
曰有枉法加忠臣亦曰大臣憂誅戮又曰將相忌  
之

陳卓叙占曰熒惑入參中其國有邊釁一曰胡兵暴  
起內侵中土若有怒角則中國不利若色潤澤則  
夷狄失勢

武密曰太白抵觸參伐星其國有大將擅人君權亦  
曰主弱臣疆之象

晉孝武帝太元八年四月甲子太白晝見在參占曰



魏有兵是後桓沖沔漢亮伐蜀並拔城畧地八月  
符堅自將號百萬九月攻沒壽陽十月劉牢之破  
符堅將梁成斬之殺獲萬餘人謝玄等又破堅於  
淝水斬其弟融堅衆大奔潰九年六月皇后褚氏  
崩

晉安帝義熙三年五月己丑太白晝見在參占曰益  
州有兵喪四年三月左僕射孔安國卒七月司馬  
叔璠等攻沒鄒山魯郡太守徐邕破走之姚畧遣  
衆征赫連勃勃大為所破五年劉裕討慕容超滅  
之

辰星犯參宿

天文錄曰辰星犯參則大水

天文總論曰辰星逆行出入留舍參大將失機會奔潰大衆失權

武密曰辰星守角動搖色青有臣自戮死

陳卓曰辰星守參河水大溢

巫咸曰辰星犯參陽旱多火災犯參陰多水患五穀不成

黃帝曰辰星干犯參有兵執柄者當之

大象旁通曰辰星抵參左脅其野有死將星傳以謂

辰星與參左肩正相觸白抵故水與參抵其野將死者此也

古今星釋曰辰星逆行犯參中其國多冤獄亦曰大臣下獄又曰大臣失職

陳卓叙占曰辰星入參中其國主將失威權又曰大將失勢。

廣古今占曰辰星不依軌度入參中其國大水患一曰雨水不時行江河暴決井邑通舟船

一行游儀後論曰辰星薄參中其國大將有陰志亦曰大將以兵叛主又軍士有姦謀及主將

荊州占曰辰星入犯參伐旁其國用曲法加忠臣亦曰忠臣受戮

漢孝宣帝本始元年四月壬戌甲夜辰星與參並出西方占曰大臣謀

### 客星犯參宿

天文錄曰客星出於參民飢大將有棄市者入參中夷狄有兵憂

天文總論曰客星入參三軍興土功事有異志守參秋冬大水

武密曰客星入參則有兵事亦曰有邊釁

大象旁通曰客星抵觸參其國大將有坐法者客星  
變色各以其色占之色白言義色青言饑色赤言  
兵事色黃言大將進秩

陳卓叙占曰客星破參左肩星其國大將誅若兩軍  
相當大將先舉者勝客星破右肩星其下有繫獄  
將軍若客星薄參中其國破軍殺將亦曰邊將為  
亂古今注曰客星從參左肩出曰破與參星相着  
者曰薄故星傳以客破參後宰者出客破參主  
將死者  
此也

張平子通列曰客星凌參中央三小星其野有冤獄

又曰有枉法及忠臣

古今注曰客星自下乘而上  
之曰凌星傳以為客凌參宿

下有冤獄  
者此也

### 彗星犯參宿

天文錄曰彗星出參則兵火起大將失兵職  
天文總論曰彗星出參中則夷狄盛彊

武密曰彗星出參夷狄為亂大將以兵坐罪

石申曰彗星出參王道更革又曰國將失祚

大象旁通曰彗星出參中光芒掩左右肩其國失大  
將軍一曰不有破軍必有死將

陳卓叙占曰彗星抵參中央三星其野有獄事亦曰  
大臣被執囚若星芒長可丈所其國將棄祀一曰

有更主

古今星釋曰彗星如帚掃參宿下將革命亦曰有自立侯王

河圖遺書曰彗星掃參伐光華奄星不見者其國有邊釁一曰夷狄內侵中土大擾又曰邊民受災禍廣古今占曰彗星抵觸參宿其下有以兵事廢王道者又曰人君尚武自親戎服亦曰禁兵有異謀以通外姦

漢元帝初元五年四月彗出西北赤黃色長八尺所後數日長丈餘東北指參後二年西羌反

孛星犯參宿

天文錄曰孛星犯參狄亂翟貴守參中大將失兵權以罪坐法

天文總論曰孛星出參王道凌遲國政殆廢後以兵亂

石申曰孛星出參兵火大作民不聊生

古今星釋曰孛星出參其國有廢政一曰王道凌遲國祚將棄

大象旁通曰孛星抵參伐其國有坐法大將亦曰主將失權以事坐罪



陳卓叙占曰孛星入參中其國有死將亦曰夷狄盛  
疆邊將有憂

河圖遺書曰孛星抵觸參中其野有叛將又曰軍士  
有離心

流星犯參宿

天文錄曰流星出參色變有兵喪色黃有夷狄使入  
中國

天文總論曰流星出參則大將軍有棄市者

武密曰流星出參有使來言兵事

李淳風曰流星起參有土功

乙巳略例曰流星入參多兵喪色黃為大臣出使一  
曰夷狄來貢

後漢孝和帝永元元年正月辛卯有流星起于參長

四丈有光色黃白古今注曰

是年鎮星在參石申曰鎮星在參有土功事

永元六年閏月己丑流星大如挑起參北西至肩南  
稍有光

雲氣干犯參宿

天文錄曰蒼白氣出參其國災入參則夷來賀黃氣  
出參則天子有使出

天文總論曰青雲氣出參其分災除不爾四夷來降

黃氣入參則四夷有來貢獻者黃白氣入參則外國  
富有進女事者

漢哀帝建平元年十二月白氣出西南從地上至天  
出參下貫天廁廣如一疋布長十餘丈十餘日去  
占曰天子有陰病其三年十一月壬子太皇太后  
詔曰皇帝寬仁孝順奉承聖緒靡有懈怠而久病  
未瘳夙夜惟思繼體之君不宜改作春秋大復古  
其後甘泉泰畤汾陰后土如故

晉懷帝永嘉三年十二月乙亥有白氣如帶出南方  
各二起地至天貫參伐中占曰天下大兵起四年

三月司馬越收繆胤等又三方雲擾攻戰不休五  
年三月司馬越死於平城石勒攻破其衆死者十  
餘萬人六月京城焚滅帝如虜庭

乾象通鑑卷第六十八

乾象通鑑卷第六十九

河澗府免解進士臣李季奉

聖旨編

列舍東井前論

東井統占

東井所主分野度數

東井所管星

日蝕東井

日暈東井

月蝕東井

月暈東井

月犯東井

東井統占

傳曰東井八星天之南門黃道所經天之亭候主水

衡事法令所取平也王者用法平則東井明而端  
列月宿井則有風雨

巫咸曰五星聚于東井若從歲星當以義取天下井  
秦分也歲星常義之象水木火合東井占曰內外  
有兵喪改立王公

古今星釋曰東井八星主王者法令亦主水衡事星  
明潤則王者法令平星暗則刑罰不中王道陵遲  
國政弛廢星就聚則江河暴決洪水泛濫星踈圻  
則水衡之官失職坐罪星移徙則國有苛令百姓  
苦之亦曰下民流亡天下不聊生

陳卓叙占曰東井八星南轅附一星曰越星星行列  
端直及光色明潤者王道平法令不繁天下和平  
若星变色出怒角則王道弛廢政教失又曰水衡  
之官被逐

漢高帝元年十月五星聚于東井以曆推之從歲星  
也此高帝受命之符東井秦地漢王入秦五星從  
歲星聚當以義取天下也高祖入秦約法三章民  
罔不歸心者可謂能行其義矣此明歲星之崇義  
東井為秦之地明効也

東井所主分野度數



東井八星赤三十三度距西北星去極六十九度

在赤道內二十二度

舊經所測距西北星去極七十度

唐一行測距星去極六十八度

天文錄曰東井所主分野秦雍雲中定襄太原鴈門  
外國真獺林色身形并小九國

### 東井所管星

五諸侯星在東井東北其西星入東井六度

積水星在北河北入東井一十八度半

北河星在五諸侯北其西星入東井一十七度

權星在輿鬼北軒轅尾西其西星入東井三十度

積薪星在北河東北入東井二十六度

水位星在井脚東其西星入東井一十九度

南河星在東井東南其西明星入東井一十九度

天罇星在東井東其西甬星入東井一十五度

四瀆星在東井南其東北星入東井十度

闕丘星在南河南其東星入東井二十五度

狼星在軍市東入東井一十度

軍市星在參東南其西中星入東井一度東星入東

井八度

野鷄星在軍市中入東井四度

子星在丈人東入東井八度

弧矢星其西南朔星入東井一十四度東北朔星

入東井二十七度

天狗星在闕丘東其東頭第一星入東井三十一度

天社星在弧矢南其西北星入東井二十度

老人星在弧矢南入東井九度

孫星在子星東北星入東井一十度

日蝕東井

天文錄曰日蝕晦在東井主酒食之事婦人之職無

非無儀酒食是議

潛潭巴曰日蝕東井諸侯相攻

京房曰日食東井君臣暴虐臣下橫恣上下相賊後  
有地震

武密曰日蝕東井從上始者王者有更令日在東井  
蝕從下始者期一月有地震日在東井蝕從旁始  
者其國上下相賊法令不行于天下

古今星釋曰日在東井蝕幾既其下諸侯疆盛天子  
受制亦曰君令不行

陳卓叙占曰日在東井蝕京師見四方不見主秦分

君有憂日在東井蝕四方見京師不見其下有陰謀人君憂外變

河圖遺書曰日在東井蝕晦不在朔其下有姦臣在高位亦曰人臣疆盛日蝕東井在二日不在朔日其國苛令亦曰人君有急政百姓苦之

一行游儀後論曰日在東井蝕終日光不復者其國有革政一曰有更命

後漢和帝永元十五年四月甲子晦日有蝕之在東井二十二度主酒食之宿也婦人之職無非無儀酒食是議去年冬鄧后立有丈夫之性與之外事

故天示象是年雨水傷稼

後漢安帝永初七年四月丙申朔日有蝕之在東井  
一度占曰諸侯相攻臣下棄雲

順帝永和五年五月己丑晦日有蝕之在東井三十  
三度東井有三輔宿又近輿鬼為宗廟其秋西羌  
為寇至輔陵園

後漢桓帝建和三年四月丁卯朔日有蝕之在東井  
二十三度東井主法梁太后聽兄冀枉殺公卿犯  
大法也明年太后崩

晉成帝咸和二年五月甲申朔日有食之在東井主

酒食女主象也明年太后以憂崩

唐玄宗天寶十三年六月乙丑朔日有食之幾既在

東井十九度秦分也

日暈東井

天文錄曰日暈東井法令滋張天下獄起

天文總論日暈東井則有婦人相譖

大象旁通曰日暈東井旁有黑氣雲相奄者其國大

臣坐法亦曰法令滋張盜賊多有

陳卓叙占曰日半暈東井期三日有風雨一曰日半

井日久無影

古今注曰日久無影謂常陰不見日影也

河圖遺書曰日暈東井有白虹貫之其下諸侯相侵  
伐天下法令不行于四方又曰禮樂征伐不自天  
子出

廣古今占曰日暈東井旁有兩珥者其國人君用法  
平直日暈東井上有冠氣者朝廷尊教化美法令  
平

海上通占曰日在東井有交暈貫日者其下大臣繫  
獄亦曰有忠臣坐法

張平子通例曰日在東井有交暈抱日者其下人君  
有曲法又曰水衡之官以失職被逐



月蝕東井

天文錄曰月蝕東井女主有憂

天文總論曰月蝕東井宮中有妬忌貴人

荊州占曰月蝕東井女主淫於歌酒及與外政

大象旁通曰月在東井蝕從上始者其國後宮有憂

亦曰女主失勢月在東井蝕從下始者其國有急

政酷民日在東井蝕從旁始者其國大水江河暴

決水衡之官以事被黜

廣古今占曰月未望而蝕其下有急兵亦曰大將有  
急令軍士有離心月過望而蝕其國有陰謀大臣

蝕不及半則謀不成

陳卓叙占曰月在東井蝕其陽則中國兵精銳而軍威振月在東井蝕其陰則女主擅外政而內政不

脩

河圖遺書曰月在東井蝕旁有黑雲相奄者其國有大水傷禾稼民困歲饑

月暈東井

天文錄曰月暈東井有暴死陰貴人

天文總論曰月暈東井則諸侯相攻臣下謀上

大象旁通曰月暈東井期三日有大雨星傳曰月暈

井日無影謂常陰也

陳卓叙占曰月暈東井有白虹如連環貫暈及月者其下有叛亡大臣亦曰大臣有陰謀

荊州占曰若兩軍相當月暈東井再重者其下不利主將亦曰先舉者負

河圖遺書曰月暈東井有橫雲貫之者其下女主惡之亦曰後宮有酒食荒淫內政不脩

廣古今占曰月在東井暈而冠者其下人君有喜慶事古今星釋曰月暈東井與歲星合者其國法令平直禮樂彰法度著又曰禮樂征伐自天子出諸侯制

節謹度而已月暈東井與熒惑合者其野人君有  
曲法有苛令百姓苦怨月暈東井與鎮星合者其  
下諸侯不奉天子令月暈東井與太白合者其國  
有急兵亦曰將軍有暴令三年有叛謀主將惡之  
月暈東井與辰星合者其下大水隄防決洪水漲  
溢禾稼傷五穀貴百姓飢

唐肅宗時月有黃白冠連暈圍東井

### 月犯東井

天文錄曰月犯東井將軍死國有憂

天文總論曰月犯東井秦地有兵一曰將死

武密曰月犯東井秦饑人流亡

石申曰月犯東井逆臣為亂

大象旁通曰月逆行失度犯東井其下軍政急軍士  
叛亡一曰主將惡之

陳卓叙占曰月失行抵東井南轅主大將有憂抵北  
轅主軍士離散

一行游儀後論曰月入東井居其南後宮有憂月入  
東井居其北邊將受禍一曰邊將叛殺大將

河圖遺書曰月逆犯東井其國有死將一曰國有亂  
兵

古今星釋曰月行側道犯東井其國有邊兵為亂亦  
曰邊將有陰謀

廣古今占曰月犯東井鉞星後宮有憂亦曰女主惡  
之又曰大臣惡之亦曰有兵喪

魏少帝嘉平三年四月戊寅月犯東井占曰軍將死  
一曰為兵四年三月吳將為寇鎮東將軍諸葛誕  
破之

嘉平五年十一月癸酉月犯東井距星占曰將軍死  
正元元年正月鎮東將軍毋丘儉楊州刺史文欽  
反兵敗俱誅死二月李豐及弟翼后父張緡等謀

亂事泄誅皇后張氏廢九月帝廢為齊王蜀將姜維隴西車騎將軍郭淮討破之

魏齊王正始四年十一月月犯井越是月宣帝攻諸葛恪恪棄城走五年三月曹爽征蜀

高貴鄉公甘露元年九月丁巳月犯東井占曰逆臣為亂人君憂景元元年有成濟之變及諸葛誕誅皆其應也

晉穆帝永和三年六月月犯東井距星占曰將軍死國有憂其五年八月褚裒北征兵敗十月閏中二十餘壁舉兵內附石遵攻沒南陽

昇平元年四月丁亥月奄井南轅第二星占曰秦地  
有兵一曰將死其五年五月符堅殺符生而立十  
二月慕容雋入屯鄴二年八月豫州刺史謝奕薨  
昇平二年十二月甲午月犯東井三年十月諸葛攸  
舟軍入河敗績豫州刺史謝萬入朝衆潰而歸萬  
除名

晉安帝義熙八年七月己未月犯井越占曰大人憂  
是年八月皇后王氏崩九年誅劉藩謝琨討滅劉  
毅

義熙十四年七月丁巳月犯東井占曰將軍死



乾象通鑑卷第六十九

乾象通鑑卷第七十

河澗府免解進士臣李季奉

聖旨編

列舍東井後論

歲星犯東井

熒惑犯東井

鎮星犯東井

太白犯東井

辰星犯東井

客星犯東井

彗星犯東井

孛星犯東井

流星犯東井

雲氣犯東井

歲星犯東井

天文錄曰歲星犯東井則有以義致天下者

天文總論曰歲星太白辰星合于東井占曰是謂驚立是謂絕行其國內外有兵喪改立侯王

荊州占曰歲星守東井其分有兵

武密曰歲星逆行入東井關中有兵喪

石申曰歲星犯東井秦有兵喪

大象旁通曰歲星逆行失度犯東井距星其國有暴兵亦曰大將有急令軍士怨謗

陳卓叙占曰歲星順軌度東井留舍五十日不去其國益地若歲星從他宿來舍東井則秦地有喜若

歲星從東井之舍他宿則秦分有災亦曰有兵喪  
荊州占曰歲星行盈而抵東井其下有急政亦曰有  
急兵歲星行縮而抵東井其軍國政大壞軍士有  
異志

張平子通例曰歲星出濁犯東井其野有兵兵止無  
兵兵起

河圖遺書歲星守犯東井南轅太南後宮有憂若守  
犯東井北轅太北邊塞受兵

漢元年五星聚東井以歷推之從歲星也此高祖受  
命之符也故密謂張耳曰東井秦分漢王入秦五

星從歲星聚當以義取天下秦王子嬰降於枳道  
漢王以屬吏寶器婦女無所取閉宮封門還軍次  
于霸上以候諸侯與民約法三章民無不歸心者  
可謂行義矣天之所予也五年遂定天下即帝位  
以明歲星崇義東井為秦分之明効也

後漢孝章建初五年五月戊寅木守東井黃皇經曰  
木守東井黃帝經曰木守東井有土功之事一曰  
大水

栢帝永興二年九月歲星守東井占曰有兵東井又  
秦分野是年荀晞破公師潘張方破范陽王彪闢

西諸將攻河間王顥奔走東海王迎殺之

魏明帝景初二年歲星犯東井占曰國失政大臣為亂其後高貴鄉公敗

晉穆帝永和八年七月壬子歲星犯東井距星占曰為內亂兵起九年是時帝初幼冲母后稱制將相有隙兵革連攻慕容皝僭號稱燕王攻伐不休

甘露二年八月壬子歲星犯東井越星九月庚寅歲星逆行乘東井越占曰逆臣為亂人君憂景元元年五月有成濟之變及諸葛誕誅

熒惑犯東井

天文錄曰熒惑犯東井為內亂一曰兵喪

天文總論曰熒惑守東井秦分有兵變大臣謀上若

亡地

武密曰熒惑入東井為饑旱人民流亡

石申曰熒惑入東井大臣有匿謀

甘德曰熒惑入東井為內亂人主凶憂失城

巫咸曰熒惑至行入東井其國有兵憂

荊州占曰熒惑守東井諸侯相攻侵伐不休

大象旁通曰熒惑失行守犯東井距星其國有死將

亦曰有覆軍

古今星釋曰熒惑舍守東井南轅其下有坐法大將  
亦曰有失職大臣若舍守東井北轅其下有邊釁  
亦曰邊城失守邊將失軍士心

一行游儀後論曰熒惑逆行失度抵東井其國有兵  
喪亦曰後宮有憂女主惡之

廣古今占曰熒惑逆行守東井其國有兵喪亦曰有  
暴兵起

河圖遺書曰熒惑行盈而抵東井其國軍中有急政  
亦曰大將有峻法三軍有叛謀若熒惑行縮而抵  
東井者其國邊土陷邊民受禍亦曰邊地有兵



漢孝惠四年七月癸未火入東井行陰占曰為誅罰  
又為火災有粟貸事其後未央宮火

魏高貴鄉公正元二年戊午熒惑犯東井北轅西頭  
第一星 甘露元年熒惑犯東井鉞星八月吳孫  
亮廢

甘露九年七月乙卯熒惑犯東井鉞星壬戌又犯鉞  
星占曰逆臣為亂人君憂至景元元年有成濟之  
變及諸葛誕誅

晉惠帝太安二年七月熒惑入東井占曰兵起國亂  
是年冬成都河間攻洛陽八月長沙王奉帝出距

二王三年正月東海王越執長沙王乂張方又殺之

晉元帝大興二年二月甲申熒惑犯東井占曰兵起貴臣相戮十月己亥熒惑入守東井留積三十日己上占曰熒惑守井二十日己上大人憂永昌元年王敦率江荆之衆來攻京都六軍距戰敗績人主謝過而已

晉安帝元興元年七月戊寅熒惑在東井升平元年冬魏破姚興軍二年十二月栢玄篡位放遷帝后於尋陽

周閔帝元年五月辛亥熒惑犯東井北端第二星占  
曰其國亂又曰大旱其年九月冢宰護逼帝遜位  
幽於舊邸月餘弑崩其冬大旱

### 鎮星犯東井

天文錄曰鎮星犯東井者惡之其國有變謀

天文總論曰鎮星犯東井其野大旱民飢一曰有兵  
起

武密曰鎮星守東井其國大兵起

石申曰鎮星出入留舍東井九十日人流亡兵起

大象旁通曰鎮星逆行失度犯守東井其下後宮有

女憂一曰有兵喪

古今星釋曰鎮星失行而盈犯東井距星秦分有急  
兵王者之政苛酷于民若失行而縮犯東井鉞星  
其國政令弛廢軍政掃地

河圖遺書曰鎮星抵東井其國有曲法加良善亦曰  
有大水災

廣古今占曰鎮星守東井南轅太南大將有奇禍亦  
曰主將以事坐法鎮星守東井北轅太北其國有  
亂兵一曰百姓爭食為盜亦曰歲歉民飢

後漢順帝永和元年十一月壬申鎮星在東井石申

曰天下大水漂流殺人

魏明帝青龍三年七月己丑鎮星犯東井距星占曰  
鎮星入東井大人憂行近距星為行陰占曰大水  
五穀不成景初元年夏大水傷五穀

晉安帝義熙八年十月甲申太白犯鎮星在東井占  
曰秦有大兵九年二月丙午鎮星犯東井秦分其  
十三年劉裕定關中其後遂移晉祚

齊文宣帝天保十年六月庚子鎮星犯井鉞與太白  
并占曰子為玄枵齊之分野君有戮死者大臣誅  
斧鉞用其明年二月乙巳太師常山王誅尚書令

楊遵彥右僕射燕子獻領軍可朱渾天和侍中宋  
欽道等八月壬午廢少帝為濟南王

太白犯東井

天文錄曰太白入東井有兵兵止無兵兵起其野有  
兵火

天文總論曰太白入東井秦分有兵謀

武密曰太白逆行犯東井兵革大起大臣受誅

石申曰太白環繞成鉤已在東井其國失地大臣謀

上

甘德曰太白守東井大臣有匿謀下有叛者

荆州星經曰太白守東井王者惡之其野當有兵憂  
大象旁通曰太白逆行犯守東井其野有棄兵起亦  
曰有將坐法

古今星釋曰太白乘凌東井久而不去者其國有更  
令亦曰軍政急

陳卓叙占曰太白經天抵東井中其分有邊兵動一  
曰不有破軍必有死將

河圖遺書曰太白逆行襲東井距星其國有冤獄亦  
曰大臣受禍

海上通占曰太白經天犯東井因晝見其分不有亡

國必有死君亦曰為白衣會又曰有大兵喪

後漢順帝永和七年二月戊寅太白舍東井二十日  
占曰糴貴又曰將相死其九年九月司徒劉方坐  
事免官自殺

光武中元二年四月丙申金木合於東井占曰為白  
衣之會其六年三月天子白衣臨邸第

孝平元始中太白下東井人臣不忠有謀上者

魏齊王嘉平元年六月壬戌太白犯東井距星占曰  
國失政大臣為亂二年三月己未太白又犯井距  
星三年七月王凌與楚王彪有謀皆伏誅人主遂



卑

晉惠帝太安二年太出西方逆行入東井占曰國失  
政大臣為亂是時齊王起兵討趙王倫倫滅因擁  
兵不朝專權明年誅死

晉穆帝永和元年五月辛巳太白晝見在東井占曰  
為臣疆秦有兵是年初庾翼在襄陽七月翼疾將  
終輒以子爰之為荊州刺史代已爰之尋被廢明  
年桓溫又輒率衆伐蜀執李勢送京師蜀本秦地  
也

永和五年四月丁未太白犯東井占曰秦有兵是年

八月褚裒北征兵十月關中二十餘壁舉兵內附  
石邊攻沒南陽

晉孝武寧康三年六月辛卯太白犯東井占曰秦地  
有兵太元元年符堅破涼州

太元十一年三月戊申太白晝見在東井占曰秦有  
兵臣疆時魏姚萇符登連兵相征不息

安帝隆安元年四月丁丑太白晝見在東井占曰秦  
有兵臣疆時魏興攻洛陽却恢遣兵救之冬姚萇  
死子興代立魏王圭即位於中山

義熙元年三月丁酉太白犯東井占曰秦有兵二年

二月至九月益州刺史司馬榮為其下楊承祖所害

辰星犯東井

天文錄曰辰星犯東井則其分有兵災

天文總論曰辰星犯東井有芒角搖動大臣受誅

陳卓叙占曰辰星犯東井則河水溢又曰辰星入東井則大旱或逆行留舍而色變其國有憂

石申曰辰星犯東井五穀不成

武密曰辰星入東井有赦

古今星釋曰辰星干犯東井其分大水傷禾稼糴貴

民飢一曰井邑通舟

陳卓叙占曰辰星入東井其下有水災毀城邑傷禾  
稼民飢流亡星傳以為水入東井民宮阜嶺者此  
也

廣古今占曰辰星逆行入東井南轅太南其野大旱  
若逆行入東井北轅太北其國大水二者皆主歲  
饑水旱不常之象也

河圖遺書曰辰星不循軌居東井其下有火災亦曰  
有水寇為亂

京房星經外傳曰辰星入東井中其分水衡之官以

失職被逐又曰水官廢

一行游儀後論曰辰星逆犯東井其國有急兵亦曰  
有急政又曰辰星入井其歲有水患民饑糴貴百  
姓不聊生

後漢光武帝建武三十年閏月甲午水在東井占曰  
水常以夏至見於東井閏月在四月尚未當見而  
見是羸而進也東井為水衡水出之為大水是歲  
五月及明年郡國大水壞城郭傷禾稼殺人民

唐太宗正觀十八年五月辰星與太白合于東井占  
曰為兵謀十九年六月丙辰太宗征高麗次第市

城太白辰星合于東井太史曰太白為主辰星為一客為蠻夷出而相從為民在野為戰

### 客星犯東井

天文錄曰客星出於東井大臣有棄市者

天文總論曰客星舍東井有芒角而動搖者天下有兵起

武密曰客星入東井諸侯使至或有相攻伐事

荊州占曰客星入東井多大水五穀不成

却萌曰客星守東井距星其國有急兵亦曰有急政

又曰有冤獄為水患

河圖遺書曰客星抵東井其國有兵事亦各以其色  
占之色赤言兵事急色白言兵以義起色青言國  
饑兵亂色黃言大將受君賞色青黑則為水災  
廣古今占曰客星入東井其野大饑亦曰糴貴人相  
食

京房星經外傳曰客星破東井鉞星其分有急兵起  
亦曰無兵兵起又曰為水患

張平子通例曰客星出東井中守之及五十日者其  
野軍覆將死若色如粉絮者其下有死將

後漢孝安帝永初元年八月戊申客星在東井荊州

占曰客星干犯東井大臣有謀東井秦地是時羗  
反斷隴道漢遣鄧騭將左右羽林北軍五校尉及  
諸郡兵征之是歲郡國四十一縣三百一十五處  
雨水四瀆溢傷秋禾壞城郭殺人民

彗星犯東井

天文錄曰彗星出東井其野大水及有兵變

天文總論曰彗星出東井其國主憂

武密曰彗星東井有水災

考經雌雄圖曰彗星出東井其國內外有兵

荊州占曰彗星入東井下謀其上



陳卓曰彗星出東井王者惡之諸侯不通情亦曰有  
不庭方

荊州星經曰彗星在東井其國大人死七十日主當  
之五十日相當之三十日兵當之

大象旁通曰彗星出東井其分人君惡之亦曰其國  
有兵急

古今星釋曰彗星出東井光芒奄南轅四星不見其  
國大將失勢亦曰有野死大將若光芒奄北轅星  
不見者其國軍士有叛謀

陳卓叙占者彗星如箒掃東井距星其下有自立諸

侯亦曰大主擅主命又曰有疆臣

廣古今占曰彗星抵觸東井鉞星其野有矢勢大將軍亦曰三軍有離心

孛星犯東井

天文錄曰星孛于東井上下相賊後有地震

天文總論曰孛星見于東井其國內外有喪

武密曰孛星入東井下謀其上

陳卓曰孛星出東井臣下叛

大象旁通曰孛星出東井其國有憂芒角所射者國

將棄市

陳卓叙占曰孛星抵東井距星其國有野死大將亦  
曰有軍覆將死之禍

一行游儀後論曰孛星觸東井鉞星其野有更令一  
曰有更王若光芒所射之宿其國除舊寘新

古今星釋曰孛星奄東井八星俱不見者其國上下  
相賊後有地震人君當出德令以解之不救則其  
國有憂亦曰有兵喪

### 流星犯東井

天文錄曰流星出東井其國大水傷稼

天文總論曰流星入東井其野有兵若使至言及兵事

武密曰流星抵東井大人憂外國使至有陰謀及一  
丈以上大人當之期三月若一年遠五年

大象旁通曰流星抵觸東井其國有兵喪亦曰有死  
將又曰三軍殺主將叛亡

古今星釋曰流星出東井主天子使亦曰大臣受命  
出疆流星入東井諸侯使至亦各以其色占之色  
白言義色青言饑言貸粟色赤言兵事言陰謀色  
黃言進貢言益地土色蒼黑言大水歲荒民疾疫  
陳卓叙占曰流井干犯東井南轅其野有亂兵起亦  
曰急軍政流星奄東井北轅其國有大臣繫獄亦

曰曲法加忠臣天子出奇令百姓苦之

後漢光武建武十二年十月丁卯大星流有光發東井西行隆隆有聲却萌曰流星出東井所之之國大水

雲氣干犯東井

天文錄曰蒼白氣入東井則多水赤氣入東井則大旱或小兵從之

天文總論曰黃白氣入東井有雨水一曰兵起宗廟黑氣奄東井其國君有疾秦分有兵喪

周武帝天和二年十月辛卯有黑氣大如杯經東井

在日中甲午日又加一經六日乃滅占曰臣有敬  
主之明者

唐天復三年八月有黃白氣如李狀在東井關中分  
也占為變謀

乾象通鑑卷第七十